



TXOJ CAI 24

TXOJ CAI KAV ZOS 2020-024

TXOJ CAI KAV ZOS XWM TXHEEJ CEEV RAU LUB NROOG
FRESNO, KALISFAUSNIAS, HLOOV KHO 2-514 RAU COV
CAI KAV LUB NROOG FRESNO LOS PAB TSWJ TUS KAB
MOB COVID-19 UAS TSIM XWM TXHEEJ CEEV THOOB
PLAWS NTIAJ TEB

PAB PAWG TSWJ XYUAS LUB NROOG FRESNO KHOO RAWLS LI COV LUS NTAWM NO:

TSHOOJ 1. Tshooj 2-514 ntawm Fresno Cov Cai Kav Lub Nroog raug muab hloov kho los nyeem tias:

TSHOOJ 2-514. - KOM LOS TSWJ TAU KEV XWM TXHEEJ CEEV VIM TUS KAB MOB COVID-19. Nws yuav kav mus ntev npaum li nws yuav mus tau thaum tseem muaj Kev Xwm Txheej Ceev Rau Lub Nroog Lub Xeev vim tus kab mob COVID-19 uas mob thoob plaws ntiaj teb, cov lus uas lawv qab ntawm no yuav raug rau txhua tus:

(a) Lub Nroog yuav tsum tsis txhob txiav dej los yog fais fab thiab txiav tej yam kev pab tu xyuas lub zos rau tib neeg txawm tias lawv them nuj nqis tsis tau thiab yuav tsum tsis txhob tsub nqi lig lossis tsub paj rau lawv them. Cov tib neeg uas raug lawv cov dej los yog fais fab tua lossis txiav vim tias lawv tsis them yuav tau rov qab muab taws thaum tseem muaj kev xwm txheej ceev, thiab yuav tsum tsis txhob tsub nqi taws rau lawv them.

(b) Tej yam kev pab los ntawm Lub Nroog uas tsis tseem ceeb yuav raug muab ncuatseg; los pab ua raws li raws li Lub Xeev Kaslisfausnias Txoj Cai Los Pub Pej Xeev Muab Ntaub Ntawv lub sijhawm



tseem tab tom muaj kev xwm txheej ceev thiab lawv qab ntawd.

(c) Tsis pub tiv lossis them cov nyiaj thim rov qab raws li Txoj Cai Pub Thim Kom Tau Nyiaj Rov Qab, Fresno Cov Cai Kav Lub Nroog 12-2301, thiab cov cai tom ntej ntawd mus, vim tias yuav tau siv sijhawm ntev zog los khiav haujlwm vim tus kab mob COVID-19 uas mob thoob plaws ntiaj teb.

(3) Tus neeg xauj tsev, txawm tias yog ib tug uas xauj tsev lossis xauj chaw ua lag luam, yuav tsum sau ntawv qhia rau lawv tus tswv tsev paub tias lawv them tsis tau tus nqi xauj vim tus kab mob COVID-19. Ua ntej ib vasthiv dhau [kaum hnuv] ntawm tsab ntawv no, tus neeg xauj tsev yuav tsum muab pov thawj lossis ntaub ntawv los qhia tias vim li cas lawv yuav them tsis tau tus nqi xauj tsev. Kom txhua tus nkag siab cov lus hauv tshooj ntawm no, "sau ntawv qhia" txhais tau tias sau ntawv hauv e-mail lossis sau ntawv hauv xovtooj mus qhia rau tus tswv tsev. Tagnrho cov ntaub ntawv siv los ua pov thawj rau qhov lawv them tsis taus yeej txaus raws li lub xeev txoj cai. Tagnrho cov ntaub ntawv qhia txog kev kho ob lossis nyiaj txiag uas tus tswv tsev tau txais yuav tsum txwv tsis pub qhia lwm tus neeg thiab tsuas muab los siv los saib saib puas muaj tseeb li tus neeg xauj tsev hais xwb.

(4) Cov neeg xauj tsev yuav muaj sijhawm mus txog li rau lub hlis tom qab nom tswv tshaj tawm tias qhov kev xwm txheej ceev xaus *los* them cov hli uas lawv tiv. Txwv tsis pub tsub lossis tiv paj rau cov hli them lig vim



tias them tau ncuu them nqi xaj raws li Tshooj ntawm no.

(5) Txoj kev txwv tsis pub laij neeg tawm yuav ua haujlwm txuas ntxiv mus kom ntev li Lub Nroog tau pom tias txoj kev xwm txheej ceev no tseem raug lub zos.

(6) Txhua tus neeg xauj tsev yuav siv tau cov lus khoo ntawm no los xub thaum nws raug ncaaws tawm tsis raws cai.

(7) Yog tias cov neeg yuav tsev thiab cov lag luag them tsis taus cov nyiaj lawv qiv yuav tsev los lawv yuav tsum tsis txhob raug txeeb lub tsev rov qab vim tus kab mob COVID-19. Cov chaw qiv nyiaj yuav tau ua ib daim ntawv cog lus ncuu pub 6 lub hlis rau lawv los them ua ntej yuav pib txeeb lus tsev rov qab vim tias lawv raug tus kab mob COVID-19, thiab yuav tsum tsis txhob raug tus neeg qiv qhov credit (npe qiv nyiaj phem los zoo). Lub nroog yuav tau ua raws li tagnrho cov cai thiab cov lus khoo los ntawm Lub Xeev hais txog cov cai tiv thaiv kom tsis txhob txeeb lub tsev rov qab vim them tsis taus.

(h) Lub Nroog cov neeg ua haujlwm yuav tau thov rau tagnrho lub xeev thiab tsoom fwv tebchaws cov kev pab nyiaj rau cov raug kev xwm txheej ceev vim tus kab mob COVID-19.

(i) Tus Tswj Xyuas Lub Nroog, lossis tus neeg uas raug xaiv los khiav txoj haujlwm, yuav tau los nrhiav nyiaj thiab tsim Nyiaj Pab Qhov Xwm Txheej Ceev Rau Tus Kab Mob COVID-19 los pab txhawb tej yam dej num uas Lub Nroog yuav tau ua uas haum lossis yuav tau ua los pab daws tej yam xwm txheej ceev los ntawm tus kab mob COVID-19 uas mob thoob



plaws ntiaj teb. Tus Tswj Xyuas Lub Nroog, lossis tus neeg uas raug xaiv los khiav txoj haujlwm, yuav tau qhia seb lawv ua tag li cas lawm rau Pab Pawg Tswj Xyuas Lub Nroog thaum Pab Pawg Tswj Xyuas Lub Nroog muaj lub rooj sib tham thiab yuav tau qhia ntxiv rau Pab Pawg Tswj Xyuas Lub Nroog raws sijhawm thiab heev npaum li yuav tsum tau hais txog cov kev siv nyiaj ntawm Nyiaj Pab Qhov Xwm Txheej Ceev Rau Tus Kab Mob COVID-19 . Yam tsawg kawg nkaus ces, tagnrho cov nqi nplua raug khaws los ntawm cov kev nce nqi siab heev yam tsis ncaj ncees, cov lag luam tsis tseem ceeb uas tseem qhib vim tus kab mob COVID-19 mob thoob plaws ntiaj teb yuav tau muab ntxiv mus rau Cov Nyiaj Pab Qhov Xwm Txheej Ceev Rau Tus Kab Mob COVID-19.

(j) [Muab tuav tseg.]

(k) Cov lab muag dej cawv thiab cov lab muag dej cawv thiab mov noj raws li tau muab los txhais hauv Lub Nroog Fresno Cov Lus Khoo 2020-01 (cov lagluam uas muaj Kaslisfausnias Txoj Cai Tswj Kev Muag Kej Cawv cov laisxees hom 40, 42, 48, 51, 57, 60, and 61) tseem ua tau dej cawv muag nqa mus rau nraum tsheb lossis xa mus rau tom tsev yog tias lawv yuav mov noj nrog, yog tias lawv lub CUP thiab Lub Xeev txoj cai pom zoo, nrog rau, tiamsis tsis tas rau cov kev txwv los ntawm ABC Txoj Cai Tswj Kev Muag Dej Cawv.

(l) (Ntxiv rau cov cai kom nyob deb ntawm lwm tus uas txoj cai tej zaum yuav khoo, tagnrho cov laqluam, tsoom fww cov chaw haujlwm, thiab cov chaw haujlwm thoob plaws lub nroog, yuav tsum khoo kom cov neeg ua haujlwm



thiab cov neeg yuav khoom , cov neeg muag khoom. thiab lwm cov neeg looj cov ntaub npog qhov ncauj qhov ntswg thaum lawv nkag rau hauv lawv cov tsev haujlwm. thiab thaum lawv yuav tau nrog lwm cov neeg tham thaum lawv khiav lawv txoj haujlwm txawm tias sab hauv lossis nraum zoov. Cov ntaub npog qhov ncauj qhov ntswg yuav tsum npog qhov ncauj thiab qhov ntswg tib si, thiab yuav tsum tsis txhob muaj lub qhov ua pa tawm. Peb muaj ib tug xovtooj hu tuaj qhia hauv lub nroog qhov vesxaij uas yuav txwv tsis pub lwm tus paub koj lub npe rau tus neeg yuav khoom lossis tus neeg ua haujlwm los qhia txog tej yam kev txhaum cov cai hauv tshooj ntawm no uas yuav rau qhov chaw ntawd tsis nyab xeeb. Yog tias lawv txog txwm ua txhaum cov cai hauv tshooj ntawm no lawv yuav raug nplua los ntawm cov tswj xyuas.

(m) Thaum lub laqluam paub tias ib tug neeg ua haujlwm lossis ib tug neeg yuav khoom kuaj pom tias mob COVID-19. lub chaw haujlwm yuav tsum qhia rau txhua tus neeg ua haujlwm tias tej zaum lawv kui yuav kis tau thiab kom tsis txhob pub dhau 24 xauj moos. Thaum cov laqluam tshaj tawm li ntawd lawv yuav tsum tsis txhob qhia tias tus neeg raug lossis tus neeg muaj mob ntawd lub npe hu li cas, raws li Txoj Cai Tiv Thaiv Tebchaws Asmesliskas Cov Neeg Xiam Oob Qhab thiab cov cai txwv tsis pub qhia tawm. Lub chaw haujlwm yuav tsum ua raws li tagnrho lub nroog, lub xeev thiab tsoom fvw tebchaws cov cai thiab cov kev pom zoo ua hais txog pej xeev txoj kev noj qab haus huv, nrog rau kom so tej yam khoom kom tua kab mob, thiab ua raws li cov cai kom tauj qab seb tus



neeg mob ua dabtsi thiab nyob ze leej twg.]

(+) [(n)] Tagnrho cov lag luam uas raug khoo los kaw uas tseem qhib txhaum Cov Lus Khoo Xwm Txheej Ceev los ntawm lub nroog, yuav raug nplua los

cov tswj xyuas. Lub nroog yuav ceeb toom ua ntej, ces tom qab ntawd yog tias lawv tsis ua raws lawv yuav raug nplua \$1,000 rau thawj zaug lawv txhaum plaub, \$5,000 rau zaum thib ob lawv txhaum, thiab \$10.000 rau zaum thib peb lossis txhua zaus tom qab ntawd mus.

Yog muaj ib co lus hauv Txoj Cai Kav Zos no lossis cov lus no yeej tsis haum rau tej tug neeg twg lossis tej yam nws ua ces cov lus ntawd yuav tsis raug rau nws, tiamsis yog tias muaj lwm cov lus uas nyob hauv Txoj Cai Kav Zos no haum rau nws lossis tej yam nws ua, ces nws yuav tau ua raws li cov lus ntawd tagnrho thiab ua tamsid mus. Nws nyob ntawm peb, peb muaj txoj cai ncuatseg cov lus hauv Txoj Cai Kav Zos no los tau.

(+) [(p)] Txoj Cai Kav Zos no yuav tau muab los txhais ua lus Mev, Lus Hmoob, thiab Lus Khej tamsid, thiab yuav tau muab kho kom cov tib neeg uas muaj tej yam kev xiam oob qhab nyeem kom tau; peb yuav muab tshaj tawm rau tagnrho cov kev tshaj saum istawsnev thiab muab tso rau saum Lub Nroog qhov vesxaij kom txhua tus neeg pom tau.

TSHOOJ 2. Txoj Cai Kav Zos no tseem ceeb heev los cawm cov pej xeem txoj kev noj qab haus huv, kev kaj siab, vaj tse, thiab kev nyab xeeb. Raws li Tshooj 603 thiab 610 ntawm Cov Cai Tswj Lub Nroog Fresno, Txoj Cai Kav Zos no yuav pib ua haujlwm mus tom qab raug pom zoo.

* * * * *



LUB XEEV KASLISFAUSNIAS)
 LUB CHEEB NROOG FRESNO) **ss.**
 LUB NROOG FRESNO)

Kuv, **YVONNE** SPENCE, Lub Nroog Tus Kws Khiav Ntaub Ntawv Rau Lub Nroog Fresno, lees paub tias txoj cai raug pom zoo los ntawm Pab Pawg Tswj Xyuas Lub Nroog rau Lub Nroog Fresno, thaum lawv muaj lub rooj sib tham lub hnuv tim 16th ntawm Lub Xya Hli Ntuj 2020.

COV POM ZOO : Chavez, Esparza, Karbassi, Soria, Arias
 COV TSIS POM ZOO : Bredefeld
 COV QHAJ TSIS TUAJ : Caprioglio
 COV TSIS XAIV : Tsis Muaj

YVONNE SPENCE, MMC CRM
 Lub Nroog Tus Kws Khiav Ntaub
 Ntawv

Lub Hnuv Tim

XEEV NPE Tus Tswj Xyuas

1

RAUG POM ZOO SIV MUS:
 DOUGLAS T. SLOAN,

Lub Nroog

XEES NPE

Lub Nroog Tus Thawj Kws Lij Coj